

Post aquam fœtidam Leo viridis occurrit: de quo Rosarius, quæsi-visti autem de viriditate, putans, quod æs esset corpus leprosum propter illam viriditatem quam habet: Unde enim tibi dico, quod totū illud, quod est perfectum in ære, est illa sola viriditas, quæ in ipso est: quia illa viriditas per nostrum magisterium vertitur citò in verissimum aurum nostrum & hoc experti sumus: Nullo tamen poteris lapidem præparare absque duenech viridi & liquido, quod videtur in mineris nostris nasci: Obenedicta viriditas, quæ cunctas res generas: Unde noscas, quod nullum vegetabile atque fructus nullus apparet germinando, quin sit ibi viridis color: similiter scias, quod hujus rei generatio viridis est, quare Philosophi germē ipsum appellaverunt. Hæc Rosarius: Hoce est aurum & æs Philosophorum & lapis in capitulis notus, fumus, vapor & aqua, sputum lunæ, quod Solis lumini jungitur; Hic leo viridis pugnat cum dracone; sed ab eo superatur & successu temporis devoratur; putrefacto autem leone dulcedo ex ejus ore (velut à Sampsonे occisi) proventura speratur. Draco superior factus leoninâ adeò se carne replet, ut paulò crepet & emoriatur: Ex quo, cum Leonis adeps per se quotidianus febrib. medeatur, apudque reges & populos eo per unctis gratia & favor concilietur, Medicina præstantissima fieri poterit, quæ permultis affectibus sit utilissima. Tertio sequitur fumus albus, qui si coaguletur, fit aqua & aqua officiū prestat in abluedo, solvendo, & maculas abstergendo instar saponis: Hic est ignis contra naturam, quem videut invenias, ita dictus, quia contrarius est naturæ retexendo & destruendo illud, quod ea diligenti curâ composuit: Hic ignis non est ex spiritu vini aut oleo incensus sed ex materia incombustibili, æqualis perdurationis & caloris, & est ignis absque luce & combustionē magnæ virtutis & efficaciæ, quem reperire in tenebris, cùm non luceat, est non exiguae difficultatis, sed operi debito applicare modo, longè majoris; cuius circumstantias & proprietates in diversis locis satis descripsimus.

Das